



108年教育部

閩客語文學獎

用本土語言尋找文學的能源



客家語 ▶ 散文 ▶ 學生組

李夢花 女士

得獎作品 /

火中个蠟燭 (海陸腔)



### 【得獎感言】

頭前有烏影，後背就有日頭箭等。

火中个蠟燭係你、係佢、係佢俚脣頭分生活砑到啟氣毋轉个朋友。老古人言講：「火燒龍船有水救，火燒心肝無藥醫。」該燒落心肝肚个火係仰般點著个呢？係生活抑係自家？佢總有時試著日仔過到無順序，毋好自家揭等，愛記得屋下還有別支蠟燭好點。生活个酸甜苦辣各種味道嚐過、按過後，放冗過會有驚喜，這驚喜安到「成長」。現代社會有盡多新个症頭名詞，有這兜症頭个人，需要屋下人个支持理解，摺這支火中个蠟燭對火竇肚徙出來，分佢溫暖个光定定仔照等屋下人。



## 火中个蠟燭

僱犁下頭，看等自家夯等第二胎大肚踉蹌个樣仔，又看等鏡仔裡肚个自家，面黃皮燥、雙目無神全無後生時金金个目光摻想望个情景，該無閒、無奈个生活摻僱个心接到平平、冷冷。日仔長透在大傑仔文宏噉噉嘶嘶、踢東西、擲碗盤當中開始，大人講个話佢全全聽毋入耳，一毋順厥意就大聲噉，咬人、擲東西係輒常發生个事情，家官家娘總係順佢、縱佢，緊講這細人仔係「大格雞公慢啼」，大咧慢慢仔就會知人我，僱頭一擺做阿姆，緊話著逐個細人仔共樣就係恁番、恁毋聽講，直直到文宏讀幼稚園正分醫生診斷出安到「亞斯伯格」个症頭。僱毋敢渡佢出門，驚怕佢在外背又會大噉大噉、打人咬人，自家無結無煞之外，該時心肝肚無奈何个感覺當想放忒所有，走到一隻恬靜个所在，走轉該隻後生又活跳做得發夢个時光。

僱頂高有兩個阿哥係座最細个單丁女，歸屋下人都惜，從細都毋識愁慮過，大學讀文學系，好寫文章、好看書，將來个志願係愛做文學家，後生靚靚个時節也交過幾個男朋友。毋過，想望摻現實係死對頭，原旦無想恁早結婚，噉因為老公个阿婆過身，百日內愛結婚个傳統觀念，在大學一畢業連靚靚个新娘衫都無著，也無請人客，斯簡簡單單去戶政事務所登記結婚定定。對做嬌个滿女變做舖娘、心白个身分實在轉毋過。雖然無摻家官家娘戴共下，毋過正結婚無幾久就有身項，因為病子歸身軟怠怠無元氣，又加上本本上班个職位變動加已無閒，老公也輒常愛出差，蠟燭雙頭燒強強燒到芯，無半儕了解也無人好參詳，新婚个幸福時光並無像期待恁樣，身體个變化摻心肝頭孤單冷清个感覺，漸漸仔變到毋好講話、毋好出門，想著愛上班心臟就噉噉跳，強強會故氣毋轉，一到天光在眠床頂，目珠擘啊開無原由目汁就溶溶跌。這情形在傑仔出世過後還係無麼个變化，顛倒還較無閒，心情還較無鬆爽个時節，斯像攪到纏纏盡磅个乳藤仔，隨時會斷忒樣，無人做得搵手放冗？無人發現也無人了解。

文宏正七個零月就出世，老公該日也出差到外國無在屋下，僱愛降前一暗晷在眠床頂想著細人仔出世過後，係堵著該兜拉拉雜雜个事情，自家一儕毋知孩得起這擔頭無？仰般就都無像愛做哀仔該種个期待樂暢，想去想轉噉貶來貶去睡毋忒目擘擘到天矇光。一跣床肚屎就溫溫溫溫，話著係毋知食著麼个無淨俐个東西，到尾來痛个感覺緊來緊輒，自家感覺毋像勢先拚去醫院，在病床頂正打電話分阿姆。阿姆緊拚拚趕來，看著僱睡在病床頂面色烏酪酪無半滴元氣盡毋盼得，目汁順等面頰卵一粒一粒輪下來。阿姆來到醫院，僱像在海項堵著風浪失忒方向个船仔，尋著照路个燈光樣，僱兩子哀目汁濫泔相對看，盡久兩儕



都無講話，包尾阿姆正開聲問：「醫生仰仔講？」

「這下還盲足月，先安胎看做得等加駁仔正降無？恁樣細人仔會較好渡。」

「頭先安胎射注過咧」「醫生講愛先戴院觀察看啊。」佢講。

盲知到該下晝開始落紅，睡在待產室个病床頂，在四圍恬恬靜靜冷死冷絕个病房肚，放佢一個人在旁脣，斯聽著護士準備東西發出个聲，該種鐵盤仔敲著清響个聲，斯像摺佢講產臺就係生產線、護士就係面冷雪雪个作業員、佢這個產婦就係一種產品，該種無奈、艱苦、無人搵手个心情完全無人插。該時想起阿姆講个話，「千難萬難替毋得降子个艱難、千苦萬苦比毋過畜子个辛苦。」這下萬項愁慮愛化做一種信念，「自家愛做阿姆咧！拚過這隻炭就做得咧！」齧等牙根到臨暗仔總算平安降出來咧，聽著嬰兒仔亮亮个嗷聲，心肝肚个大石牯放下來咧，續等奄弱个佢就睡到毋知人事。

直直到第三日老公正對外國轉來，到醫院第一件事情去看嬰兒仔，毋係先來關心佢，心肝肚免不了無歡喜，想倒轉來老公本旦就係一個碁固又耿直，人情事務全全愛佢發落个人，對佢乜毋係毋好，係佢無法度理解佢个想法，還較毋曉得仰般來安慰佢失落个人生，佢習慣自家个心事弓等搵到心肝肚。佢兩公婆毋識冤家、乜毋會講笑，生活恬靜到像逐日行在鐵支路項个共枋火車，永久共條路線，路毋會又開乜毋會駛過迄，窗門外背个風景乜共樣毋識改變，佢坐在火車頂日日恁樣行等。

佢仔出世以後盡毋好渡，做月該駁仔逐暗晡嗽到天光，嬰兒仔冷燒艱苦毋會講斯會嗽，佢仰般捕仰般搖就嗽無恬，驚怕會吵著愛上班个老公，佢喊老公去另外間房睡，自家捕等幼子目汁含等搖到天光。因為無睡好火氣大，牙倉肉嘎腫起來，阿姆煮个雞酒、補品全全食毋落肚，無食無睡嘎冷著半夜作燒激激顫。該量時心肝肚想：「這細人仔哪時正渡得大，這種日仔哪時正會到頭」？感覺自家像火中个蠟燭、生活像四圍猛猛个火，強強會摺佢融忒去。

因為細人仔毋好渡，高不將辭忒頭路專心在屋下渡人，該幾年翁在屋下，所有朋友還過交際都斷忒，因為佢毋想渡文宏出門，一來係佢這下斯敢在屋下園核核，毋敢分人看著佢恁媿个樣相，二來係文宏長透好點點會無來由大聲嘍，佢一嘍起來實在無人奈得何。逐個爺哀都希望自家个細人仔分人阿謫聰明、知人我、得人惜，佢這個佢仔別儕看佢个目光分佢佇毋著，像形細人仔个问题全係佢這個做哀仔个過錯。該駁仔係有出門一轉到屋下該



條巷仔口，心肝就嘔嘔跳強強會故氣毋出，佢還係自家忍等。

該日係文宏第二日去幼稚園，正到屋先生就打電話來，煩惱个事情還係來咧，心肝肚緊想愛仰般膠家長會失禮。這擺係兩個細人仔相爭東西，文宏膠人个手髒咬到積血，好得對方个家長已明事理，無再過計較，佢除了膠人會失禮之外，對這個俵仔正經毋知愛仰結煞正好。園長建議佢渡文宏去醫院做檢查。去醫院？佢俵仔發病仔？該當時自家無法度接受頭那嘍嘍滾痛。

該暗晡佢兩公婆坐下來靜心交談，決定共下渡文宏去檢查，在細人仔離開佢旁脣膠醫生諮詢个時節，佢又開始心臟嘔嘔跳、故氣毋出，頭那續等嘍嘍滾痛，醫生開嘴講：「你身體愛做檢查以外，佢建議你去看身心科。」

啊！麼个？該愛仰結煞？佢乜發病仔？一屋有兩儕發病仔？這時節老公過來恬恬仔無講半句話扼等佢个手。這時節佢心肝忽然間恬靜下來，有一種燒暖个力量對該隻手傳過來。係啊！長久以來心事自家一儕孩等，這擔頭原來做得分攤開來，佢毋係自家一儕人啊！愛共下面對正著！

檢查結果文宏係「亞斯伯格症」，佢係「憂鬱症」，對這兜名詞佢毋想講係病，係一種特別个症頭，係一種特別愛人理解關心个症頭，成時佢還會笑笑仔膠人講，這係一種現代流行个症頭。頭過細人仔略略仔个聲就感覺吵耳塞窟，這下就試著係好聽个人生音樂，有高有低、有大有細已好聽啊！換種心境換種想法，佢這支蠟燭定定仔照等屋下帶來溫度光明，共樣，屋下還有一支蠟燭乜定定仔照等佢啊。

禮拜日好天時，佢兩公婆渡文宏去公園，日頭下，佢該紅霞紅霞个面頰卵十分得人惜，佢喊佢講古分佢聽，佢捕等佢講：「頭擺頭擺有一個得人惜當乖个細人仔安到文宏，佢愛做一個當乖當慶个阿哥咧……」，佢擘開圓挨挨个大目珠問佢，佢有影愛做阿哥咧係無？佢非常歡喜，因為佢講个故事佢聽得出意思。佢講：「係啊！過無幾久你就係一個當乖、當知人我个阿哥咧。」